

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Minerva, sive de causis latinae linguae commentarius**

**Sánchez, Francisco**

**Schoppe, Caspar**

**Perizonius, Jacobus**

**Franequera, 1687**

Cap. VIII. - Plural adjectiva uni substantivo elgeanter iungi

[urn:nbn:de:bsz:31-109138](https://nbn-resolving.org/urn:nbn:de:bsz:31-109138)

De rectione casuum. 141

Veniunt ruri rustici. Terent. Phor. Opus ruri faciendum. Justinus lib. 1. Ruri iter ingressus: A pluri nunc dicimus, Charisius magis probat à plure, his verbis; Ab hoc vetere, majore, plure, non veteri, majori, pluri. Quid quod ipse Valla hoc etiam aliqua ex parte vidit lib. 4. cap. 8c. Reperiuntur, inquit, luci pro luce, & vesperi pro vespere, & ruri pro rure. Hæc ille. Plaut. Cistell. Postea autem cum primo luci. Sic dicimus, tempore venito; & Cato dixit, Satisne tempore opera sicut confecta; & si tempore facias. Charisius à rure vel ruri probat. „[Carthaginè porro esse „Carthagine, patet ex hoc Virgilio; Tyria Car- „thagine qui nunc expectat. Et Corn. Nepos; „Ut Romæ Consules, sic Carthagine quotannis bini re- „ges creabantur. Cic 16. Attic. epist. 4. Sextum „fuisse Carthagine: & 8. Attic. 4. Salmone C. At- „ticum aperuisse Antonio portas.]

C A P. VIII.

Plura adjectiva uni substantivo eleganter  
jungi.

**D**icimus, inquit Valla, Hic robustus messor, ista robusta mulier: neque dicimus, antiquas robustus messor, antiqua robusta mulier. Hæc ille. At vero ratio ipsa præscribit, uni substantiæ simul multa coherere posse accidentia: nam ut libenter fateor, Catonem non posse simul esse frigidum, & calidum, ita libenter concedam, simul frigidum, crassum, ac album esse. Cicero pro lege Manilia; Mithridates magnis adventitiis multarum nationum copiis adjuvabatur: ibidem; Quoniam ita clausa erant nobis omnia maria, ut neque privatam rem maritima,

neque publicam gerere jam possemus: idem 2. de Oratore; Hec perpetua contra Scævolum Curiana defensio tota redundabit hilaritate: idem 5. paradoxo; Quem nutum locupletis orbi senis non observat? Idem 2. Tuscul. Sic ad malam domesticam disciplinam, vitamque umbratilem, & delicatam quum accesserint etiam Poëtae, &c. idem 1. Philip. Non igitur provocatio ista lege datur, sed duæ maxime salutaris leges, quæstionesque tolluntur: ibid. Carissimus tuus parvus filius in Capitolium à te missus pacis obses fuit: ibid. Ut omittam res avi tui prosperas, acerbissimum ejus diem supremum malim, quam L. Cimæ dominationem: idem Phil. 5. Periculosissimum civile bellum: ibid. bellum acerbissimum civile sit restitutum: idem 8. epistol. \* Etiam externos multos clavos viros nominarem: ibid. Quasi devincti magnis meis veteribus officiis: Idem de Oratore; Assidua diligens scriptura: idem Verrina 2. Creperejus ex acerrima illa equestri familia, & disciplina: idem 2. de divin. Unde superstitiosa primum evasit vox fera: idem Attic. lib. 7. Belle nobis flavit, ab Epiro lenissimus Ausper mitis: idem 7. Famil. Nisi nos pauci retineamus gloriam antiquam Atticam. Terent. Tum ut malevoli veteris poëtae maledictis respondeat. Lucan. Fulgura fallaci micuerunt crebra sereno. Martial. lib. 12. Ne mendica ferat barbati prandia nudæ Pera rogat. Suet. Neron. In vetere gentili stemmate. Valer. Maxim. lib. 1. cap. 6. Puerum infantem semestrem: idem lib. 4. Aurea Delphica

\* Etiam externos multos &c.] Occurrunt hæc verba lib. VI. ep. 6. Atque ita III. 4. Mea omnia summa in te officiis. VII. 23. Prinsquam tuas legi has proximas literas. De Amic. cap. 7. Argentinum doctum quendam virum. Ter Heaut. II. 3. 48. Nulla mala re expositam muliebri. Sed exemplorum abunde, tum hic, tum in proximis superioribus & inferioribus collegit Auctor, in quibus tamen occurrit nonnulla etiam aliena.

mensa : idem lib. 9. cap. 3. Nonne multo alieno sanguine profuso, ad ultimum & suum erogavit. Sueton. Cæsare; In summo publico luctu. Curtius lib. 3. Quum captivis mulieribus nobilibus: ibid. Captiva nobilis mulier. Cæsar. 1. Gall. quem locum duplici altissimo muro munierant. Livius lib. 1. Insignique eum veste, & Curuli regia sella adornavit: idem lib. 38. Hic speciosus ultimus dies Scipioni illuxit. Terentius Phormio. Introit ater alienus canis: Idem Eunuchus; Labore alieno magno partiam gloriam sæpe in se transmovet. Sic enim legendus est locus, non magnam: idem Adelph. Ego hanc clementem vitam urbanam, atque otium sequutus sum. Varro lib. 2. de re rust. Quid rationes dominicas pecuarias conferre nequicquam rectè potest: idem lib. 3. Quam severi boni viri laudabant. Plin. lib. 1. cap. 2. est lamina cerea tenui aurata. Seneca in Medea; Candida thyrsigeri proles generosa Lyæi. Sed poetarum longum esset persequi testimonia. Passim etiam occurrit, ubi suppresso substantivo, plura leguntur adjectiva: ut, inclyti Romani, supple, homines: integrum Aprilem te expectavi, sub. mensam: Superos omnes, & inferos testatur, sub. Deos; Miseri mortales, sub. homines; Splendidus Oriens, subaudi, Sol: immensi molaves, subaudi, lapides. Virgil. Centum lanigeras mactabat ritè bidentes, supple, oves. Tibull. lib. 2. Eleg. 2. Fistilia antiquus primum sibi fecit agrestis, supple, vasa.